



卷七上

續編卷一

名例

赦原

逃流在 赦後拏獲仍免逃罪案

刑部咨 為報明事據署浙撫永 咨稱石門縣安置流犯高景章

在配 被原籍太谷縣獲解補配一案緣景章係山西太谷縣

人因 張惠擬絞恭遇

來浙酌 發石門縣安置交保周岐山管束詎該犯於乾

六月二十日乘間脫逃將周岐山照例擬杖革去保長

官職名詳 奏奉准部覆在案于乾隆十五年五月二

書名 成案續編十二卷 乾隆二十年刊本
撰者 清 同德 李治運 同輯
卷 卷七上
內容分類 史 政書 法令 刑案
索書號 大木-法類-例案-7
編號 B3851000

彩色首頁1

東洋文化研究所漢籍目錄 編號: B3851000

東洋文化研究所漢籍目錄所藏漢籍善本全文影像資料庫 索書號: 大木-法類-例案-7

漢籍善本全文影像資料庫文本成案續編十二卷 乾隆二十年刊本

版權所有: 東京大學 東洋文化研究所

使用上的注意事項

赦原

成案續編 卷之七
上



續編卷七

毆殺上

致死十二命爲從之人不應擬流案

刑部爲兇殺多命等事該臣等看得陶運禧等毆溺陳伯宗等一十二名先據江撫寨將陶運禧依故殺一家非死罪二人及三人非一家例擬斬立決奏請

定奪陶家榮陶家勝陶家聰陶家栢陶昌斌陶運任陶家奎陶家哲依爲從例擬絞監候并聲明例內殺一家非死罪二人及殺三人而非一家者爲從下手之犯作何分別按擬例無明文聽候部議等

因具題經臣部衙門查運禧等以輸糧管業之洲割草堆積撥
八看守而陳伯宗等糾合多人肆行偷竊緘運入舟運禧之父家
諭挺身攔阻陳伯宗等欺其年老卽行推倒顯有拒敵情事追運
禧聞知救護率衆毆戮陳伯宗等草船風阻難颺各受重傷欵草
卸入人隨落水該撫因其慘斃多命將爲首之人擬以斬決但兄
弟同倫難援二人之條夥黨肆竊難比三人非一家之例蓋非死
罪云者原非指強竊而言以賊盜自有明條也今此案衅起於竊
而命斃於水卽爲從之人不應概擬絞候漫無區別如云人命爲
重將竊不問從此亦開強竊之門如云賊犯未確則活口現存何
難細鞠起衅之故事關重案不便出入應令該撫按律原情悉心

妥議到日再議等因題駁去後今據該撫疏稱查大部以陳伯宗
等曾經掀草謂起衅於竊又因其落水身死而謂命斃於水但陳
伯宗等實係務農鄉民偶因風狂舟險急圖掀草壓載原爲一時
救急起見並非貪此些微草束停舟肆竊若云拒捕亦斷無以陳
姓一十五人之多坐待陶姓九人聽其各毆重傷均致溺斃一十
二人而陶姓並無一人受傷之理是此案衅雖起於掀草而死者
情非盜竊命雖斃於落水而致斃實由毆戮按律原情運禧應仍
照擬等因具題前來應如該撫所題運禧合依殺一家非死罪
二人及三人而非一家者擬斬立決例應擬斬立決奏請

定奪爲從之陶家榮陶家勝陶家聰陶家柏陶昌斌陶運仕陶家奎陶

家哲均比照亂毆一家三命至死爲從絞候例減一等各杖一百流三千里恭候

諭旨遵行該撫旣稱昌仁家景合依混行鬪毆附和未傷人例各枷號一個月先行分別保釋所失船隻米物運禧等雖未搶匿仍各照追賠等語均應如該撫所題完結奉

旨此案陶運禧等致死陳伯宗等至十二命之多其爲從助毆之陶家榮等或用金刃或有致命重傷而該部止將爲首之陶運禧問擬斬決爲從之陶家榮等八犯止擬杖流殊未允協着該部另行定擬具奏乾隆十一年五月邸抄

兇殺一命之案立即處決不必因供看不符駁回案

刑部爲自行接受事會議得張明興毆死史尚雲父子二命一案據調任晉撫阿 疏稱緣張明興與史尚云一處傭工賺錢共食乾隆十一年正月內張明興患病不能工作史尚雲心生厭惡十六日早史尚雲買米煮粥乘張明興外出即先藏甯多碗以備晚餐餘伊子來鎖子共食張明興自外歸家向其索食史尚雲答以食盡無餘張明興氣忿出言頂責史尚雲即行詈罵併用頭向磕張明興順手摸取泥燈臺毆傷史尚雲腦後史尚雲欲行還毆張明興又用燈臺擊中史尚雲左耳竅倒地殞命比時來鎖子見父被毆倒地攔門喊叫張明興又用泥燈臺打傷來鎖子耳輪相近

耳竅倒地延至十九日夜殞命屢審不諱嚴詰並無有心欲殺情
事將張明興擬斬立決奏請

定奪先行刺字等因具題前來查張明興毆殺史尚雲父子二命一
案該撫照例擬以斬決洵不爲枉但供看內稱其並非有心欲殺
情罪殊爲不符事關慘殺父子二命兇惡已極應令該撫轉飭承
審各官細心推鞠務令情法兩合妥擬具題到日再議可也乾隆
十二年正月二十八日奉

旨此案部議以張明興連殺史尚雲父子二命該撫擬以斬決洵爲不
枉但詞供內稱並非有心欲殺情罪不符駁令細心推鞠具題再議
張明興兇殺一家二命罪無可逭律應斬決乃因一語駁詰往返需

時不得速正典刑殊非懲兇禦暴之道張明興依擬着卽處斬餘着
照所奏完結其供詞未妥駁問之處令該撫改正報部嗣後此等案
件該部俱遵此旨辦理乾隆十一年十二月邸抄

毆死一家父子二命審無謀故仍擬絞抵案

刑部爲報明事會同院寺會看得定州民李五月等先後扎打韓興吉韓九月父子身死并韓登高畏罪割傷肚腹身死一案據直督那 疏稱緣李五月與韓興吉同村居住素無嫌隙李五月與胞兄李白貴俱在外傭工惟寡母常氏在家獨處乾隆十一年閏三月二十一日晚李五月歸家探母卽與伊母同房歇宿時至二更韓興吉市集醉歸路由李五月家門首經過頓起淫心撥門入室潛赴常氏卧炕手摸氏身圖姦常氏驚覺喊叫伊子李五月聞知前情韓興吉業已奔出門外李五月卽摸取小刀喊趕追至村外韓興吉絆跌仆地李五月卽用所帶小刀扎其腦後右肩甲韓

典吉負痛翻轉又連扎其顙門偏左偏右胸膛右胎膊等處追韓
典吉道出姓名以酒醉求饒李五月卽行住手隨經鄉地賈秀付
等并韓典吉之弟韓興伊子韓九月先後聞喊踵至問知圖姦
趕扎情由扶回調治次早鄉地賈秀付等正欲稟報而李五月于
扎傷韓典吉之後氣忿漸平已愿寢息時有韓典吉堂叔韓登高
會與韓典吉索欠爭角挾有微嫌潛赴李五月家內聲言韓典吉
素行不端今復欺奪伊母遽爾歇手日後何顏見人主使將韓典
吉除害並恐韓典吉之子韓九月救護邀令伊兄李白貴提防李
五月聽其挑激卽于是日邀同胞兄李白貴各執棒槌又自拿小
刀防手偕赴韓典吉家欲圖挖眼洩忿見有伊堂兄李白貴聞知

往探李五月曾邀同行李白貴勸阻後聞李五月等前往隨徒手
趕勸詎李五月與李白貴已入韓典吉房內見韓典吉備卧炕上
李白貴上前按住李五月又用小刀連扎其右臙眇三下掠棄小
刀正欲動手挖眼值典吉之子韓九月執持腰刀奔救砍傷李白
貴右太陽連右腮跌跌倒適李白貴追至入勸見李白貴砍倒情
急救護隨用拳毆傷韓九月眼胞韓九月亦砍傷李白貴額顙正
中李白貴自地扒起隨用棒槌毆傷韓九月右太陽比李五月見
兄李白貴等均被砍傷亦捨韓典吉急用棒槌毆傷韓九月頂心
偏右并右耳根倒地復用棒槌毆傷韓九月左臙眇恐其起身還
砍又隨手拾取小刀扎傷其左額角右眉左臙眇等處經李白貴

拉阻各散當據鄉地人等報州驗訊保辜調治詎韓興吉受傷深重其子韓九月又復傷口進風俱醫治不痊延至是月二十七日相繼殞命而韓登高先已逃避無獲旋即私歸探聽因聞韓興吉等已死知事敗露遂自行用刀剖傷肚腹經該州驗訊撥醫調治不痊延至四月十三日身死屢審供認不諱查李五月因韓興吉圖姦伊母登時遂至村外扎傷其顛門腦後胸膈等處次日經韓登高主使除害該犯止圖挖眼洩忿原非有心致死且僅止扎傷韓興吉臙脇並無致命傷痕是韓興吉死於當夜之傷非死于次日之傷至扎打韓九月身死韓登高僅止囑令提防並非唆使毆打係李五月最後下手毆扎其頂心額角等處俱係致命重傷又

因刀口進風身死亦應以李五月當其重罪查韓興吉韓九月係父子一家但訊無謀故情事應仍照鬪毆本律問擬將李五月依律擬絞等因具題前來除主使李五月除害之韓登高已經畏罪自剖身死不議外應如該督所題李五月合依同謀共毆人因而致死者下手致命傷重者絞監候律應擬絞監候秋後處決奉旨李五月依擬應絞着監候秋後處決餘依議欽此乾隆十三年六月
邸抄

刑部爲殺死兩命事該臣等會議得尹正容殺死龔文異龔貴華

二命并刀傷龔前科龔德章一案據署理湖撫范 疏稱尹正容

與龔文異等在芷江縣地方打鉄生理緣尹正容無服族叔祖尹

成功携妻唐氏亦在芷邑打鉄爲業尹正容與唐氏調戲成姦龔

前科亦乘間與唐氏通姦尹正容往探唐氏唐氏堅拒將尹正容

衣服扯破尹正容留心窺探見龔前科常往氏家疑其與氏有姦

尹正容見龔前科正攜唐氏後門當卽扭獲拳毆龔前科掙脫奔

逸尹正容龔前科遇於街上互相爭論龔文異手持鉄鎚同龔貴

華龔德章趕至助毆尹正容見人衆難敵取刀砍傷龔前科左臂

博并戮傷文異左乳及貴華右後肋龔德章脊背等傷龔前科回
取爐錯向毆又被尹正容尖刀割傷肚腹及左手腕等處詎龔文
異龔貴華因傷殞命屢審不諱將尹正容比照率衆共毆一家三
人致死擬斬立決例量減一等擬斬監候唐氏等擬以枷責等因
具題前來查問擬罪名必須情罪相符始可援引擬斷此案尹
正容殺死龔文異龔貴華一家二命係一人而敵四人並非率衆
共毆該撫將尹正容比照率衆一家三人致死律問擬又因其毆
斃二命由立決量減一等擬斬監候均未允協且二死三流同爲
一減亦無立決減一等改爲監候之例今尹正容殺死龔文異等
如係謀故卽應照殺一家非死罪二人例定擬若非謀故寔係一

時鬪殺亦應從一科斷豈可牽混援引以致情罪不符應令該署
撫再加詳審按律妥擬具題到日再議可也奉

旨依議乾隆十七年八月邸抄

甘肅通判劉十山平人其姻楚

無再以結密與事交與日再歸可也亦

補關楚亦與密一林德魯官所筆其與日交結罪不深願令清釋

烏鎗殺人仍照關殺擬絞案

刑部為報明事該臣等會看得劉述孔放鎗打傷李文顯身死一

案先據河撫尹 疏稱李文顯被劉述孔用鎗打死之處在該犯

並無欲殺之心亦無主使情事將劉述孔比依竊奪有殺傷者從

關殺論擬絞監候劉述有等擬杖卽漢章等緝獲另結等因具

題經臣部等衙門以劉述孔聽從堂見劉述堯搶拉伊舅母楊氏家

牛隻劉述堯將防身烏鎗交與劉述孔看守劉述孔因李文顯向

劉述堯奪牛卽用吃烟火煤將鎗吹放打傷李文顯致命顛門等

處倒地卽時殞命該無以劉述孔不知鎗內裝有火藥鐵子亦無

欲殺之心將劉述孔比依竊奪有殺傷者照關殺論擬絞監候夫

關殺一類上

劉述堯轉邀劉述孔帮同接牛持有防身鳥鎗中途交與劉述孔看守若無火藥鐵子携去何用則同行之劉述孔尚得諉爲不知卽劉述孔果不知鎗內裝有火藥鐵子又何必點放况點放鳥鎗若無引線亦豈能放出其中不免故意點放臨時欲殺情事且劉述孔本身與楊氏無親隨從搶奪更于搶奪殺人嚴例有干該撫擬以絞抵殊未允協應令該撫另行嚴審按律妥擬具題到日再議等因奉

旨依議欽此咨行去後今據該撫疏稱劉述孔與李文顯素不認識祇因其欲奪劉述堯所拉牛隻意在恐嚇退回不期鎗內有藥火門寬大遇火輒發並非故意點放委無臨時欲放情事况劉述孔並

未至楊氏門首拉牛若竟以搶奪殺人之例定擬未免情輕法重將劉述孔仍比依竊奪有殺傷者從闕殺擬絞監候洵無枉縱餘悉照原疏等因具題前來應如該撫所題劉述孔合依竊奪有殺傷者從闕殺論絞監候律應擬絞監候秋後處決奉

旨劉述孔依擬應絞著監候秋後處決餘依議乾隆四年四月初十日
邱抄

蓋省械鬪致死人命分別治罪案

刑部為立驗究償事該臣等會看得會模等戕傷王琳身死一案

據前據陳題稱緣乾隆十七年三月二十八日會模族人曾富

在山牧牛失于照管誤食王琳族人王魁稻穀王魁將牛牽回越

兩日其牛倒斃經陳廷俊處令王魁賠還牛價番銀十員王魁先

交六員尚少四員未交至六月初四日會福之子曾諒在途遇及

王魁向討牛價兩相角口有會諒族人會長等袒護會諒時王魁

族人王保等亦袒護王魁王保用拳毆傷會麟左腮腴王孝用扁

挑打傷會麟右後肋王提亦以扁挑打傷會長左後肋王倫用拳

毆傷會長右乳王度用扁挑打傷會長右臂膊而散初六日會長

之弟曾傳赴縣控告驗傷王姓揚言欲拔毀曾姓芬菁地瓜初八
 日曾讀遂起意糾合曾模曾籍曾符曾朝曾日曾蘭等各執尖挑
 等械齊赴王姓鄉內尋鬧曾傳曾弟各携扁挑竹竿曾習曾育曾
 伴曾會曾天球曾錦會南會涼會里各空手隨往曾讀之子曾璉
 持草刀趕至王琳即同王達王隣等出阻曾符執鑲鐵木挑戩傷
 王達右臂膊曾日用扁挑打傷王達頂心偏右曾朝用竹尖挑戩
 傷王達左手腕曾連用草刀割傷王隣右手大指肚曾籍執鑲鐵
 尖挑戩傷王隣右腿肚曾蘭用鋤頭嘴打傷王隣頂心王琳持竹
 錘戩傷曾讀左腮喉曾讀用短柄菜刀回抵致傷王琳額顛曾讀
 跑走王琳趕毆時曾模在王琳背後以鑲鐵尖挑戩傷王琳左後

脇深透內膜王琳被傷倒地殞命屢審不諱將曾模擬絞監候曾
 讀等擬以流徒枷號杖笞等因具題前來應如該撫所題會模

合依共毆人傷皆致命過後身死以傷重者坐罪例擬絞監候秋
 後處決該撫既稱曾讀應照沿江濱海持鎗執棍混行聞毆為首
 例杖一百流三千里曾符曾日曾朝曾璉曾籍曾蘭均照械鬪傷
 人例各杖一百徒三年曾璉年未及歲照律收贖曾傳曾弟曾習
 曾育曾伴曾念曾天球曾錦會南會涼會里俱合依附和未傷人
 例各枷號兩個月滿日責四十板總保陳正義曾君宗族長曾裕
 不行約束阻止均照不應重律各杖八十曾裕年逾七十照律收
 贖王魁欠銀不還曾涼在墟迫討均合依不應重律各杖八十王

保王倫拳打會麟會長均合依手足毆人成傷律各笞三十王孝
王提王度各用扁挑打傷會麟會長均合依他物毆人成傷律各
笞四十五王魁所欠賠牛價銀四員照追給還會富收領枷杖笞犯
照例先行分別發落等語均應如該撫所擬完結可也奉
旨會模依擬應絞著監候秋後處決餘依議乾隆十八年十月卅抄

夷人致死內地民人不應擬罪過輕案

廣撫岳 奏爲欵奉

上諭事乾隆十三年十一月十二日承准大學士張 等字寄奉

上諭岳濬所奏辦理澳門夷人啞鳴嘯等致死李廷富簡亞二三命問擬
杖流請照夷法安插地滿一捐李廷富簡亞二既死無可證所據僅
夷犯一兩之詞觀其始初狡賴情形必另有致死根由是夷人來至
內地理宜小心恭順益知守法乃連斃內地民人已爲強橫又復棄
屍入海希圖滅跡尤爲兇狡自應一命一抵若僅引內地律例擬以
杖流則夷人鴛及之性將來益無忌憚辦理殊爲錯悞况發回內地
照彼國之法安插其是否如此辦理何由得知設彼國竟置之不問

則李廷富簡亞二兩命不幾視同草菅乎此案已傳諭該部飭駁另行究擬如該犯尚未發回着遵駁辦理倘已趁船起解着一面聲明緣由報部一面曉諭夷人以示儆戒嗣後如遇民夷重案務須按律究擬庶使夷人共知畏罪奉法不致恣橫滋事地方得以寧謐岳濬着傳旨申飭欽此遵

旨寄信到臣又于乾隆十四年正月十三日廣州將軍錫特庫陞見回粵傳奉

皇上面諭廣東澳夷毆傷內地民人一案辦理錯悞澳夷係在內地居住即使民人夜入其家只應拿送到官聽候辦理乃竟自擅殺而岳濬僅引內地條例將夷犯定議流罪完結具奏况係仍交伊處自行流遣其果否流遣之處何由得知此風斷不可長伊傷一民人卽令伊一人抵償纔是岳濬辦理甚是軟了看來伊辦事偏軟之習尚未能改若策楞在廣伊斷不如是辦理欽此臣望

闕叩頭祇聆

訓誨跪領之餘惶悚靡寧慚感無地伏念臣仰蒙

皇上天恩畀以海疆重寄于此等夷人事件未能妥協辦理籌畫周詳以致上費

聖心兩頒

訓飭臣雖愚昧敢不益加奮勵以報

皇上教導洪恩臣于先奉

諭旨之日隨即欽遵密扎澳門同知張汝霖令其傳諭該澳夷目速將原交羈禁之啞嗎噓嚶哆呢二犯即日提解聽候部行再行確審續于十一月十六日接到刑部駁審咨文又經轉行遵照併催令提犯具報遵

旨確審另行妥擬疊次行催再三切諭務必詳慎辦理勿使鴛戾夷人再有違犯去後旋據該同知稟稱已令該夷目押帶夷犯到案逐加研審按擬具詳由司核轉其夷犯遵照奏明成例發交夷日收晉候

旨等情臣正在行司令其遵照部駁確核詳議具題詎該同知又報稱澳夷一案業經覆案擬詳自應候題發落乃該夷日以外洋番船

須趁北風開行不便久待請將啞嗎噓嚶哆呢二犯就便附搭洋船押發地滿等語同知隨行文攔阻而夷目已于十一月十六日將二犯附搭十五號萬威利瓜路洋船發往地滿現在勒限嚴追相應據稟報等情前來臣聞之不勝駭異除一面飭司查取疎縱職名請叅并行文責成夷日勒追番船回澳提犯具報外切查此案先奉

諭旨嗣准部咨俱經嚴諭該同知轉諭夷目敬謹稟遵乃該夷目不候具題部覆竟自擅行發遣殊屬不合該同知張汝霖係承辦此案之員任聽夷人發遣玩忽疎縱更難寬恕惟是臣身任海疆處此民夷交涉之事雖兢兢業業自持期于慎重而措置不善屢見周章惶

悚自慚咎無可諉伏乞

皇上天恩將臣一併交部議處以爲辦理不善之戒再督臣碩色已于十二月二十六日到任此案文卷俱經照例隨印移交應聽督臣查辦議擬題覆併將該夷目及該同知叅處請

旨遵行外所有微臣稟奉

恩諭申飭緣由理合奏

聞奉

硃批該部察議具奏乾隆十四年三月邸抄

旗人扎死本管官卽于本地正法案

刑部爲咨送事會議得蔣英刀扎本管佐領萬英伯身死一案據涼州將軍綽爾多等疏稱駐防披甲馬科魁曾逸開散蔣英代賒布疋嗣馬科魁借銀償還蔣英併清還別項賬目因無餘剩伊父馬淳德責其花費該旗佐領萬英伯訪知前來疑馬科魁被蔣英誘賂輸錢意欲究責蔣英知覺途遇伊弟驍騎校蔣范告知佐領欲行責打之語蔣范以無味之言說什麼仍帶親丁祖堯武于興國持燈伴送而回祖堯武將前言告知防禦張榮萬英伯會同張榮傳集馬科魁蔣英詢問馬科魁並無賂錢蔣英亦稱未賂惟收馬科魁代賒花布銀兩萬英伯以蔣英巧言塞責站起欲踢張榮

勸止萬英伯又復起打蔣英隨拔身脩小刀扎傷萬英伯肚腹當
卽救護延至次日殞命嗣萬英伯之子萬宣呈控驍騎校蔣范恃
強與伊兄蔣英同謀扎死等情當經履審蔣范並無同謀情事各
犯供認不諱將蔣英擬斬立決蔣范擬流蔣英應否送部完結之
處聽候部議等因前來查例載八旗兵丁並無私仇別故因管教
將本管官戳死者本犯卽行正法妻子發遣黑龍江領催族長各
鞭一百其平日不能管教之該管各官交部分別議處等語今蔣
英應如該將軍所擬合依因管教將本管官戳死者本犯卽行正
法例應擬斬立決查蔣英係扎死該管官例應卽行正法若解部
完結不但程途遙遠抑且無以示警該處應將蔣英卽于本地正

法蔣英並無妻子應毋庸議至蔣范一犯該將軍旣稱審無與蔣
英同謀扎死萬英伯而蔣英被責逞兇之日蔣范已往馬駁又不
在場其途遇伊兄蔣英向朝亦並無設計教誘情事該將軍所引
律內諸人設計用言教誘人犯法又和同其事故誘令人犯法却
自行捕告或令人捕告欲求賞給或陷害人得罪者皆與犯法之
人同罪罪止杖流之條與供情毫不相符應令該將軍再行按照
律例彙擬到日再議再該將軍咨稱該管領催戴朝恩族長程俊
等各照例鞭一百萬宣誣控蔣范同謀扎死伊父審屬子虛但念
伊父死于非命免其置議等語應如所擬完結奉

旨蔣英着卽處斬餘依議乾隆十七年二月卅日抄

刑父及子共命... 其各報... 案國... 人... 自... 警... 查... 英... 去... 罪...

罪人格殺不應捕之人駁案

刑部為報明事該臣等會議得李茂春姦拐鄧輝楚之女鄧氏並
 拒捕刀傷魏東山身死一案據湖撫彭 疏稱緣李茂春係鄧輝
 楚胞兄鄧如倫贅婿李茂春之妻身故李茂春與鄧輝楚之女鄧
 氏調戲成姦後因情密李茂春起意誘逃鄧氏允從李茂春引氏
 同逃至穀城縣地方擬稱夫婦比鄧輝楚訪知李茂春拐逃隨向
 李茂春堂兄李萬春李成岐着落要人聲言告究李萬春等畏累
 情愿幫同找尋因不識路徑適有鄧如倫家僱倩木匠魏東山指
 稱路熟如肯按日給費愿同等覓鄧輝楚等允從同李萬春李成
 岐魏東山四人往尋并囑鄧如倫赴縣呈報差緝鄧輝楚等尋至

穀城無獲因乏盤費令李萬春魏東山先歸鄧輝楚同李成岐前往鄖陽再訪後經李萬春魏東山探知下落旋至李茂春鄧氏住處李茂春目擊當卽脫逃李萬春等追趕無踪僅將鄧氏帶回稟縣詎李茂春隨潛回嘉邑探知已經報官欲逃至與國州躲避藏匿鄧如倫近處空室至晚見鄧如倫外出欲向鄧如倫之妻求給盤費待至昏夜潛赴鄧如倫家比魏東山仍在鄧如倫家工作因值天暑攔鋪攔門獨寢李茂春來至門首窺視魏東山驚起李茂春亦卽奔逸魏東山疑係賊匪隨取鄧如倫家廢鎗趕打李茂春被打閃跌魏東山棄鎗將李茂春捉住彼此認識魏東山指名聲喊李茂春求釋魏東山扭住不放李茂春輒拔身帶小刀割傷魏

東山胸膛魏東山負痛鬆手李茂春掙脫魏東山又喊李茂春殺人追出李茂春背後趕揪衣領李茂春情急又用小刀向後戳傷魏東山肚腹偏右魏東山受傷倒地殞命屢審不諱將李茂春擬斬監候刺字鄧氏擬徒等因具題前來查律內罪人拒捕殺所捕人者斬監候等語是律之所指專以官司差票及應捕之人而言其餘非應捕之人卽不得引用此律今茂春姦拐妻叔鄧輝楚之女鄧氏雖屬有罪而魏東山則係李茂春妻父鄧如倫僱倩木匠當鄧輝楚等尋緝之時因伊認稱路熟煩同尋覓旣無官司差票又非律內寔在應捕之人魏東山迨追趕李茂春無獲仍回鄧如倫家工作並未令其始終尋緝則引路回歸之後魏東山之責已

完李茂春昏夜往鄧如倫家欲向妻母鄧劉氏求助盤費魏東山
誤認匪竊起身趕追尚屬事不容已及經捉住業已認明係鄧如
倫之婿李茂春其非盜可知斯時堅扭不放在魏東山專為捕姦
殊不知李茂春雖係罪人而魏東山寔非應捕設其兩相扭毆之
頃魏東山致死李茂春律應擬抵且不得照捕者格殺之律勿論
而李茂春戮死魏東山又豈得照罪人殺捕之條科斷該撫將李
茂春依罪人拒捕殺所捕人律擬以斬候殊與律義不符但李茂
春被魏東山揪住情急先後用刀戮傷魏東山致命胸膛肚腹兩
處殞命不無臨時故殺情事應令再行研審務得寔情按照律例
妥擬具題到日再議可也奉

臣等依議乾隆十四年二月邸抄

因產價無着割穀被傷身死不應依罪人拒捕利斷駁案

刑部爲軍銃打死弟命事該臣等會議得彭景元銃傷龔正有身
死一案先據原任湖撫晏 將彭景元依罪人不拒捕而擅殺律

擬絞監候龔正東等擬以杖笞等因具 題經臣部等衙門以彭

景元見張經三率眾割穀並不出阻輒持銃點放龔正有業已受
傷該犯尤復將鐵錠裝入點放中傷龔正有左肋直至右脇斃命
揆厥案情似屬有心故殺應令該撫再行詳審案情按律妥擬具
題到日再議等因題駁去後今據該撫開 將彭景元應如原擬

依罪人不拒捕而擅殺以鬪殺論絞監候等因具題前來查罪人
二字必其人寔有無故搶奪偷竊情事方可加人今張經三因產

刑部爲拐人盜牛叩乞嚴究事會議得蔣清卽張清因搶牛抵欠
致死林順一案據福撫潘 疏稱緣蔣清本係張姓自幼過繼蔣
君爲子有堂兄張求曾欠伊銀六兩未還蔣清向取無償回過張
求外甥林順拉牽張求牛隻在山牧放蔣清起意拉牛抵欠向林
順強拉林順不允拉住牛繩叫喊蔣清遂拾石向打致傷林順右
耳相連及腦後倒地殞命蔣清恐人知覺將屍移埋溪礮拉牛前
至墟場賣與盧在而逸嗣經張求查知其詞控縣飭獲蔣清到案
屢審不諱將蔣清依罪人拒捕律擬斬監候刺字等因具 題前
來查蔣清因向張求索欠適路遇林順爲張求放牛隨向林順牽

拉牛抵欠毆人致死不應擬拒捕駁案

刑部爲拐人盜牛叩乞嚴究事會議得蔣清卽張清因搶牛抵欠

致死林順一案據福撫潘 疏稱緣蔣清本係張姓自幼過繼蔣

君爲子有堂兄張求曾欠伊銀六兩未還蔣清向取無償回過張

求外甥林順拉牽張求牛隻在山牧放蔣清起意拉牛抵欠向林

順強拉林順不允拉住牛繩叫喊蔣清遂拾石向打致傷林順右

耳相連及腦後倒地殞命蔣清恐人知覺將屍移埋溪礮拉牛前

至墟場賣與盧在而逸嗣經張求查知其詞控縣飭獲蔣清到案

屢審不諱將蔣清依罪人拒捕律擬斬監候刺字等因具 題前

來查蔣清因向張求索欠適路遇林順爲張求放牛隨向林順牽

拉意在賣銀抵欠原與搶奪圖財者不同則其毆死林順自不當以罪人拒捕科斷如云以私債奪畜難云無罪則是凡因事忿爭審係兇犯理曲以致毆人致死者俱可依罪人拒捕問擬殊與律意不符惟是已死之林順年甫十三尚屬幼穉其與蔣清爭較既已強弱不敵况蔣清牽牛林順不過拉繩喊叫並無拒毆逼迫情事何至輒行拾石毆其致命耳根連及腦後以致林順立斃其中不無故殺情事應令該撫再加詳訊按律妥擬具題到日再議可也奉

旨依議乾隆十四年十一月邸抄

搶親拒殺攔住之隣人仍照鬪殺定擬案

刑部爲報究弟命事該臣等會議得陳克盛聽從王富誠糾約搶親毆傷潘子謙身死一案據蘇撫莊疏稱緣陳克盛表戚王富誠憑蔣志和爲媒聘湯興隆之女湯氏爲妻約期迎娶湯興隆必欲索緞一疋王富誠家貧無措輒起意糾搶邀約陳克盛及王明連王明玉蔣亦清虞子義尹紹朋潘六六王纏福王長生武文元王允賢王繼成蔣子才尹六順郭貴生袁忝佯王繼正王惠一等共十九人在王富誠家起身陳克盛虞子義分執木棒釘鉅柄王富誠尹紹朋王長生王繼成携帶燈籠餘俱徒手齊抵湯興隆家推門入室湯興隆驚覺起視虞子義用鉅柄毆傷其額顛湯興隆

奔出喊救王富誠將湯氏連被捲裹同虞子義尹紹朋扛搶而出
行至橋邊時有村隣潘子謙朱鳳來聞喊趕救王富誠等畏懼將
湯氏棄下各逃經湯興隆將女領歸時止有陳克盛落後被潘子
謙攔住欲毆陳克盛情急卽用木棒毆傷潘子謙左臂膊潘子謙
扭住陳克盛不放陳克盛以手搭住潘子謙咽喉潘子謙仰跌倒
地欲行爬起擦傷胸膛左臂陳克盛又執木棒毆傷潘子謙肚腹
而歸潘子謙傷重殞命報縣驗審供認不諱將陳克盛擬斬王富
誠等擬以枷號杖罪等因具題前來查律載犯罪事發在逃官司
差人追捕不服拒捕殺所捕之人斬監候等語是必所捕之人寔
係應捕方得以拒捕問擬今王富誠因被妻父潘興隆勒索不容

迎娶起意糾約陳克盛等至湯興隆家將伊妻湯氏搶出及隣人
潘子謙等聞喊趕救王富誠業將湯氏棄下奔散湯興隆亦將伊
女領歸止因陳克盛走緩落後被潘子謙攔住欲毆一時情急格
傷致斃按其情形寔由拒毆並非護搶况潘子謙雖係隣居究非
應捕之人其因攔毆格傷自應照鬪殺律定擬陳克盛不應如該
撫所擬照罪人拒捕律擬斬監候應改依鬪毆殺人者不問手足
他物金刃並絞律擬絞監候秋後處決該撫旣稱王富誠糾衆搶
親致釀人命合依不應重律杖八十仍枷號一個月滿日折責發
落以儆強橫虞子義蔣亦清王明連王明玉尹紹朋潘六六王纏
福王長生武文元王允賢王繼成蔣子才尹六順郭貴生袁忝仵

王繼正王惠一等聽從帮搶俱合依不應重律杖八十虞子義毆傷湯典隆額顱久經平復應加拒捕罪二等杖一百枷杖人犯照例先行發落湯氏仍聽王富誠以禮迎娶等語餘俱如該撫所題完結可也奉

旨陳克盛依擬應絞着監候秋後處決餘依議乾隆十八年六月邸抄

毆殺搶親人擬絞抵駁案

刑部爲報明事會看得譚流一毆殺羅毓富受傷身死一案據川督管理巡撫策疏稱羅毓富胞伯羅心在先經聘定吳國榮孀

居弟婦范氏與子羅得伸爲配後吳國榮之母秦氏將范氏另許羅文國經兩造具控該州斷令俱不准娶將范氏給與伊父范一臣領回擇嫁乾隆十三年六月內羅心在違斷私請譚玉書等向范一臣求許范一臣以業經官斷未允譚玉書黎君昇申同張霞林續至吳國榮家詭稱與范一臣說明許允吳國榮應允將受聘禮銀二十六兩時吳國榮堂兄吳煥章另得銀二兩并許族人吳君用等布疋吳國榮與伊母秦氏立婚書仍將范氏許給羅得

伸時范一臣將范氏許與譚述一之子譚一隆於九月初三日迎娶羅心在知覺於初四日早同弟羅心傑羅心永姪羅毓華羅毓富羅毓仁并伊子羅得伸齊赴譚述一家尋搶范氏致相爭毆羅毓富棍毆譚述一左肱膊譚述一順取鐵鑿毆傷羅毓富左後肋子連吳國明在賀見羅姓赴搶亦將羅心傑羅毓仁毆傷詎羅毓富傷重移時殞命屢審不諱將譚述一依鬪毆殺人律擬絞監候羅心在違斷強搶比照告官斷歸前夫而女家與後夫奪回照搶奪律擬徒應擬徒援減等因具題前來查人命各案凡因事忿爭以致爭鬪身死不論起衅之曲直輕重槩擬絞抵致于格殺捕

姦盜搶奪等犯致有殺傷則當論所犯之應死不應死及拒捕不拒捕以定罪名律例分別截然不容牽混此案羅毓富家先與羅文國爭娶范氏業經告官審斷兩家均不准娶令氏父范一臣擇配另嫁譚述一爲子媳迎娶范氏爲媳係氏父主嫁已經成婚並無不明情事乃羅心在等私自違斷誣哄范氏夫兄受聘復率領多兇各持棍棒直入譚述一家內搶奪逢人便毆斯時譚述一等猝被毆搶身係事主法在應捕以致格鬪殺死律例自有正條今承審各官既將羅心在等照搶奪律科斷又將譚述一依鬪毆殺問擬一案兩引自相矛盾事關生死出入不便率結應令該撫再行詳審按照律例妥擬具題到日再議可也奉

旨依議乾隆十五年六月邸抄

搶親殺人錯擬駁案

刑部爲毆斃父命事該臣等議得譚功臣毆傷蔣恆茂身死一案據湖撫開疏稱緣譚功臣之妻趙氏有前夫之子彭賢安病故遺妻吳氏并幼子細僚子無人顧養譚功臣商之趙氏欲將吳氏與伊姪譚永瑚爲婚趙氏允俟遲日向吳氏面言適有趙氏之兄趙紹裔見吳氏母子貧難度日商令再醮吳氏應允趙紹裔卽免劉旭日等爲媒說合與蔣恆茂之子蔣如璉爲妻因彭姓無主婚之人卽接趙氏主婚趙氏得財禮銀十六兩吳氏過門成婚譚功臣聞知不服起意搶奪先令譚永瑚邀約譚繼聲曾花脛魯花口鄧狗倖仔等相幫又僱譚興湖譚興海拾海是夜起身譚功臣譚

永瑚各執木棍餘帶火亮三更時分齊至蔣恒茂門首譚功臣喊
叫開門蔣恒茂詢係譚姓搶親將門掩住譚功臣順拾門邊竹片
戳進致傷蔣恒茂右手腕蔣恒茂鬆手譚功臣推門持棍而入蔣
恒茂用手攔攔譚功臣以棍毆傷蔣恒茂右肱肘髮際偏右蔣恒
茂奪棍譚功臣又以棍毆不虞致傷蔣恒茂顛門倒地維時蔣如
璉救護譚永瑚抓傷蔣如璉左血盆骨棍毆蔣如璉右脰膊右手
腕右乳又戳蔣如璉右肋譚功臣又毆蔣如璉右臂膊右手大指
譚永瑚又毆蔣如璉右腿倒地譚微聲進房搶出吳氏細縛上轎
譚功臣亦將細俵仔抱出交與曾某口背負譚永瑚順取衣被而
歸蔣恒茂傷重殞命譚功臣等次日早至家因聞蔣恒茂已死未及

成婚屍子赴縣呈報屢審不詳查嘉正三年部議廣德州張承恩
搶奪寄養盛之坡之女春妹將勸口之丁氏腳踢斃命將張承恩
照白晝搶奪傷人律擬斬監候在案今譚功臣搶奪吳氏毆死蔣
恒茂與張承恩搶奪春妹致死了氏擬斬監候之案相符譚功臣
應比照搶奪傷人律擬斬監候譚永瑚擬軍譚繼聲曾花脛曾花
口擬徒譚興瑚等擬杖等因具題前來查律內搶奪人財物傷
人者斬監候又例內搶奪殺人者照竊盜拒捕殺人例擬斬立決
各等語此指賊盜搶奪財物之罪也又律內強奪良家妻女姦佔
爲妻妾者絞監候配與子孫弟姪家人者罪亦如之又例內尚未
姦汚者照已被姦佔律減一等各等語此惡徒搶奪婦女之罪也

搶奪財物與強奪妻女情事不同罪名各別不容混淆今譚功臣糾眾強奪吳氏本係搶奪婦女之案該撫照賊盜搶奪財物律科斷既屬未協且因其搶親殺人照搶奪財物殺人例定擬復因其情尚可原照搶奪財物傷人律未減更為兩岐在譚功臣係搶親之人業已負罪又敢逞兇殺人寔較之尋常鬪毆者為重然援引律例亦須斟酌妥協毋得牽引舊案以致律例不符應令該撫再加詳審按律妥擬具題到日再議可也奉

旨部駁甚是依議乾隆十四年八月邸抄

隔屬捕役不奉官票查拿確犯毆死照鬪毆殺問擬案

刑部為報明事該臣等會議得曾貴等毆傷鄧坤祿身死一案據

川督管巡撫事策 疏稱曾貴係巴州捕役奉差關提案犯撞遇

巡查咽喉之兵丁劉榮化國祥捕役趙連彭伸等同圍於乾隆十

六年七月初三日路過南江適鄧坤祿赴場趕集賣布羅矮子換

硝二十觔包裹背負歸家被曾貴路遇盤詰鄧坤祿詭稱食鹽趙

連欲開包查驗鄧坤祿不肯放手趙連隨用馬鞭毆傷其右手腕

相連肘并左後肋拿過包裹查係硝觔鄧坤祿奪取曾貴等持

鍊欲拴鄧坤祿嚷罵曾貴用腳連踢致傷鄧坤祿臍肚腎囊鄧坤

祿忍痛脫逃被踢傷重於次日殞命屢審不諱查鄧坤祿私帶硝

勦雖屬有罪之人而曾貴等既未奉票又在隔屬並非應捕之役擅行踢斃應仍以鬪殺問擬查趙連鞭傷鄧坤祿手腕肘後肋均非致命曾貴腳踢臍肚腎囊係致命傷重將曾貴擬絞趙連等分別擬杖等因具題前來應如該督所題曾貴合依共毆致死下手致命傷重律擬絞監候秋後處決等因奉

旨曾貴依擬應絞着監候秋後處決其約束捕役不嚴議以降級用之王廷松着詢問該督若係才具可用之員奏聞仍留本省酌量委用如辦事平常送部請旨餘依議乾隆十八年三月邸抄

用帶套頸拖走致斃不照威力制縛律問擬案

刑部爲報明事本部會同院寺會看得常山縣民余有彩致死徐肇開一案據原任浙撫常疏稱緣徐肇開係余有彩表甥素無

嫌怨乾隆十一年閏三月初五日余有彩同徐肇開各牽牛隻同往大河地方牧放彼此採取野菽用草長短作籌抽賭輸贏徐肇開抽得短籌不給野菽余有彩向奪徐肇開持石向毆余有彩聲言拉回告訴伊母徐肇開走避余有彩趕上卽解腰間布帶從徐肇開背後套入項頸徐肇開賴倒在地詈罵余有彩將帶捏攏拖走數步徐肇開年止十四力薄不能掙脫氣閉殞命屢審供認不諱查余有彩因戲賭野菽向奪被毆欲拉回告訴伊母用帶套入

徐肇開頂頸拖走致斃雖有恃強制縛形狀但余有彩犯罪時年
止十五非比威力加人亦非有心欲殺將余有彩依律擬絞監候
等因具題前來據此應如該撫所題余有彩合依鬪毆殺人者
不問手足他物金刃並絞監候律應擬絞監候秋後處決等因乾
隆十二年十一月初四日題初六日奉
旨余有彩依擬應絞着監候秋後處決欽此

劫毆骨斷之餘人照折人肢體律擬徒案

刑部爲報明事本部會同吏部院寺會看得仙居縣民鄭德受等
致死應桂柱一案據原任浙撫常 疏稱緣鄭德受隣人茹錫美
有公共山場被應桂柱同兄應士倫盜買于乾隆八年間截奪山
木控縣斷歸茹姓完結應桂柱以鄭德受爲茹姓作証因而挾嫌
乾隆十年六月初四日鄭德受路經應桂柱門首應桂柱拉回吊
打鄭德受欲圖報復乾隆十一年五月十七日聞應桂柱在隣庄
陳國順家歇宿次日歸去起意向毆恐一人不能抵敵向商茹錫
美懇其着人幫助又因應桂柱歸家有兩路可行必須分守茹錫
美隨與茹錫道茹仁積茹仁雲說知俱各允從十八日早茹錫美

茹錫道茹仁雲往毛山守候鄭德受茹仁積各携木棍至大烏嶺山坑守候適應桂柱路出大烏嶺鄭德受見其走近舉棍向毆致傷應桂柱偏右連額角倒地茹仁積亦以棍毆被應桂柱接任欲起鄭德受復棍毆偏右應桂柱放手鄭德受茹仁積因山溝路窄施棍不便隨各棄棍拾石將應桂柱擎按在地茹仁積用石毆傷應桂柱咽喉下兩血盆骨胸膛兩乳左肩甲左膈及腕肘左手背左腿左膝膠等處鄭德受用石毆傷應桂柱右肩甲右腕肘右手背右腿右膝下右膝肋等處詎鄭德受因應桂柱尚在詈罵恐其日後報仇頓起殺機復于右腿上下原毆處所重叠毆打經茹仁積拉住始行歇手應桂柱旋即殞命屢審供認不諱將鄭德受

依律擬斬監候刺字茹仁積等擬以徒杖等因具題前來據此應如該撫所題鄭德受合依故殺者斬監候應擬斬監候秋後處決照例刺字該撫既稱茹仁積用石免毆應桂柱胸膛等處毆致骨斷殊屬殘忍若僅以餘人律擬杖不足蔽辜合依折人肢體律杖一百徒三年茹錫美茹錫道茹仁雲均合依餘人律各杖一百遇熱審照例減等折責發落等語均應如該撫所題完結等因乾隆十二年十二月初八日題初十日奉旨鄭德受依擬應斬着監候秋後處決餘依議

題前來應如該撫所題李恭義合依聞毆殺人律擬絞監候秋後處決再該撫疏稱鄒兼善向有舊疾李恭義因鄒兼善拉住扯頭情急推開跑避致令失跌痰湧斃命寔無毆打情事可否將李恭義比照聞毆減一等例擬流聽候部議等語查李恭義因鄒兼善扭結用手推開以致失跌斃命是鄒兼善之死寔由于推跌所致律以絞抵洵不為枉今該撫所請減等之處與例不符應毋庸議可也奉

旨李恭義依擬應絞着監候秋後處決餘依議乾隆十五年九月邸抄

毆跌各傷雖非以命因病發身死仍擬絞抵案

刑部為驗典父命事本部會同院寺會看得建德縣民王士貴拳毆陳商霖失跌病發身死一案據浙撫永 疏稱王士貴與陳商霖比鄰而居素無嫌怨乾隆十四年四月二十日夜緣王士貴因陳商霖家寓歇戲班邀同已革武生王漢欲往戲班唱曲頑耍陳商霖之子陳魁因係夜間不容進內王漢與之爭鬧陳商霖出而護子即頭撞王漢王士貴在旁隨用拳向格不期毆傷陳商霖左眼胞陳商霖年老失跌倒地磕傷髮際右後肋并右膝右曠肋等處詎陳商霖曾患中風病症被毆失跌舊病復發醫治不痊即于一十二日殞命屢審供認不諱查王士貴拳毆陳商霖左眼并跌

磕各傷雖非致命但病發身死寔由毆跌所致將王士貴擬絞監候王漢擬杖等因具題前來據此應如該撫所題王士貴合依聞毆殺人者不問手足他物金刃並絞監候律應擬絞監候秋後處決該撫既稱王漢爭鬪起衅應照不應重律杖八十特逢熱審減等折責發落等語應如該撫所題完結等因乾隆十六年十月二十三日題二十五日奉

旨王士貴依擬應絞着監候秋後處決餘依議

爭毆後自跌致傷身死減流案

刑部為打死母命事廣撫岳

審題王文伯毆傷余昌茂之母曾

氏後因自跌墜傷身死一案疏稱王文伯與余昌茂比鄰而居屋

後有官地一段王文伯携鋤耕種余昌茂因關係風水攔阻爭角

余昌茂之母曾氏上前幫護扭住王文伯衣服余昌茂乘間拳毆

王文伯左肋文伯回打昌茂適昌茂走避誤中曾氏右腋肌曾氏

放手文伯跑走曾氏趕打失足跌仆被石墊傷胸膛殞命查律例

內並無先毆不致命輕傷後因自跌受傷身死作何治罪正條將

王文伯援照嚴栢綬毆傷嚴君浩致跌身死之案比照原毆傷輕

後因傷風身死例擬流等因查乾隆四年臣部議覆署廣撫王題

嚴栢綬毆傷嚴君浩跌身死一案緣嚴栢綬因索穀爭鬧被嚴君浩手批其臉嚴栢綬拳打嚴君浩肚腹左乳經嚴養將嚴栢綬拉往廳左嚴君浩復向前趕打失足跌仆擗角接傷心坎殞命該署撫以嚴君浩被毆傷輕自跌傷重且被打腹乳之後尚能趕毆是嚴君浩本死于磕非死于毆將嚴栢綬比照原毆傷輕不至于死後因傷風身死例減流等因題准在案今此案據該撫疏稱王文伯毆傷曾氏不致命右腋肌較之嚴栢綬毆傷嚴君浩肚腹左乳其情更輕等語應如該撫所題王文伯比照原毆傷輕不至于死後因傷風身死將毆打之人免其抵償例杖一百流三千里仍追埋葬銀二十兩給付屍親收領查係例無正條援引比照仍遵

例聲明恭候

諭旨遵行奉

旨依議乾隆十三年八月卅抄

言對辯到十二日八日訊結
備旨懲治

開羅州朱勳

毆後溺死因有致命重傷仍擬絞案

刑部爲乞償弟命事會看得紀荅等毆傷鄭足溺水身死一案據
扁撫陳 疏稱緣漳浦海澄兩邑隔溪爲界乾隆十一年六月二
十八日鄭足同堂弟鄭天坐林猛渡船過溪西採取蝦苗因紀佛
恩紀荅各有蝦苗蓄養恐被混取同向阻止鄭足稱係公溪必欲
採取紀荅與較被鄭足扭毆紀佛恩氣忿卽拳毆鄭足左後肋鄭
足放手轉身欲走紀荅亦用拳打其左後脇時鄭天見毆驚懼先
跑西渡船已過東岸欲鳧水回家鄭足亦往溪奔涉紀荅等立岸
喊罵聲言拿捉鄭天鄭足恐被追毆鳧水喊叫林猛聞聲駕船往
接救起鄭天而鄭足因涉溪擦傷右膝鳧至深處撈援無及沉溺

斃命屢審不諱查紀荅毆傷鄭足致命左後脇應以紀荅論抵將
紀荅擬絞并聲明應否援例請減紀佛恩擬杖等因具題前來
應如所題紀荅依共毆人因而致死以致命傷爲重下手傷重者
絞律擬絞監候秋後處決該撫旣稱紀佛恩合依餘人律杖一百
先行發落等語應如所題完結再該撫疏稱紀荅等雖有拳毆鄭
足左後肋二處傷痕然其身死寔因溺水淹斃究與毆死及被打
落水者有間查與蔡思思之案相同紀荅可否比照聞毆殺人擬
絞律減一等杖一百流三千里仍追埋給領相應聲明聽候部議
等語查乾隆九年十月內臣部等衙門議覆陞任福撫周題聞
縣民蔡思思趕毆王燦燦身死一案緣王燦燦站立橋邊詈罵蔡

思思趕毆王燦燦自己退步失足跌水溺斃故將蔡思思減等擬
流今此案鄭足雖于紀荅等毆後涉溪溺死但查鄭足被紀荅拳
毆致命左後脇已屬重傷又因紀荅同紀佛恩立岸喊罵聲言捉
拿以致鄭足沉溺斃命與蔡思思之一人向趕並未毆有致命傷
者情事不同未便輕議減等應將該撫請照蔡思思減等擬流之
處毋庸議奉

旨紀荅依擬應絞着監候秋後處決餘依議乾隆十二年十月邸抄

互扭落水身死減徒案

刑部為移會事看得何士義推跌曾洪佐落水溺死一案據湖撫
開 疏稱何士義與曾洪佐同營食糧緣勛陽協副將奉委到營
查驗軍裝何士義借有硃盒公案隨令曾洪佐送還洪佐將原借
縞兵衙門硃盒錯送守脩衙門何士義責其不應互相口角曾洪
佐趕扭何士義何士義亦扭曾洪佐胸前衣服同往鳴官走至路
旁池邊何士義被曾洪佐扭住喉下衣領不能喘氣信手推脫不
意曾洪佐跼立不穩閃跌池內何士義扭帶下水旋即掙起奔回
曾洪佐流于深處有兵丁王大規等救起次日身死屢審不諱將
何士義依問毆律擬絞援案減徒等因具 題前來應如該撫所

題何士義合依開毆殺人律擬絞監候秋後處決該撫既稱查前
經湖撫晏 題孝感縣陳榮友與黃次彬扭結落水致黃次彬溺
斃一案將陳榮友擬絞援照湖南撫臣蔣題准劉千仁與陽之紀
互毆同跌落水致陽之紀溺斃將劉千仁擬絞比照互相毆傷後
下手理直者減本罪二等律擬以滿徒之案將陳榮友擬徒題達
在案今何士義與陳榮友之案情相符可否比律杖一百徒三年
之處恭候

欽定倘蒙

俞允行令該撫將該犯定驛折責充徒雖事犯在

恩旨以前但何士義援案減徒已屬從輕不便再行減等仍追埋葬銀

兩給領可也奉

旨何士義准其減等杖徒餘依議乾隆十一年七月邸抄

命屢審不諱查例載例無可引用援引別條比附者于疏內聲明比照某律某例加一等減一等恭候

諭旨遵行等語又前撫臣晏 題李廷玉截傷尹方茂追趕溺水身死一案部議李廷玉雖最後截傷尹方茂髮際復行追趕因跌溺斃但係自行失跌並非因傷致死李廷玉應比照聞毆殺人律減一等杖一百流三千里請

旨定奪奉

旨依議欽遵在案今王佐梅被奏一節毆傷後追趕因跌溺死于尹方茂被李廷玉截傷後追趕因跌淹斃之案相符奏一位應請比照聞毆殺人律減一等杖一百流三千里請

旨定奪劉蘭清等擬杖等因具 題經臣部議覆以奏一位毆傷王佐

梅腮腴肩甲經眾勸散因王佐梅復行辱詈奏一位在後追趕嚷

罵致王佐梅畏迫奔避倉忙過河跌溺斃命奏一位所毆雖非致

命重傷但王佐梅之溺水身死寔由奏一位毆後復追所致自應

按律擬抵該撫將奏一位牽引成案照聞毆殺人律減一等杖一

百流三千里擬議殊屬從輕應令該撫再加詳審按律妥擬具題

到日再議等因題駁咨行去後今據該撫唐 疏稱查奏一位毆

傷王佐梅復行追趕以致斃命自應遵照部駁改擬將奏一位改

依聞毆殺人律擬絞監候劉蘭清等仍照原擬杖責等因具 題

前來應如該撫所題奏一位合依聞毆殺人律擬絞監候秋後處

決該撫前疏內稱劉蘭清欠銀不償致起衅端奏樂元李士玉勸阻不力均合依不應重律杖八十事犯到官在

恩詔以前杖罪均請寬免劉蘭清勒令還俗所欠銀兩追給黃方貴收領等語均應如該撫所題完結奉

旨依議乾隆十六年五月邸抄

聞毆拉跌鼻血流出卽屬成傷未便減流案

刑部爲稟報事該臣等會議得范朝拉跌璉盤痰壅身死一案據陞任河撫碩 疏稱緣范朝與璉盤同住乾隆九年間范朝堂弟范增將分授房基賣與璉盤爲業范朝謀食在外未經與事乾隆十二年三月初八日范朝見璉盤修房因賣業時伊未得盡字銀兩隨出攔阻經璉盤同范增質明而散初九日璉盤邀同弟璉英璉礦督率匠人上房卸瓦范朝以未經知會卽行拆卸當同伊堂侄范啟宗范小五出而理論璉英詈其無顏范朝聞詈不甘用頭向撞璉英以手招架抓傷范朝鼻梁范啟宗見范朝被傷卽揪傷璉英髮辮范小五亦拳毆璉礦右眼璉盤見弟受傷至前嚷

護范朝回身與璩盤覲面較論范朝之侄范超宗聽聞趨視趕至范朝身後拉右胳膊勸令回家息事范朝意欲掙脫范超宗之手將手向前一掙不期手勢往前過猛扯及璩盤身上璩盤本屬年老身胖兼之腿有殘疾被扯跌倒鼻孔流血額內痰壅救治不效至初十日殞命屢訊不諱將范朝援案擬流啟宗等擬笞等因具題前來查人命重案以傷為憑范朝以書字銀兩微嫌輒邀同堂侄啟宗小五出而理論當超宗往勸之時已經爭詈共毆則范朝之掙脫手勢其為互毆情形顯然又查開毆律載鼻孔出血卽屬成傷茲該撫以驗無推傷跌傷痕跡將范朝叔等擬流未免輕縱應令該撫再行按律定擬具題到日再議奉

旨依議乾隆十四年三月邸抄

百廿四號簿劉十四年三月廿四日

見欲行毆推出關門相拒撞傷身死擬絞案

刑部爲稟明事會看得張有義關門撞傷周林遠身死一案據陞
任河撫碩 疏稱張有義與周林遠並無嫌隙乾隆十二年八月
間張有義賒取周林遠鑿鋤二張該錢三百六十五文除還尚欠
錢二十五文未楚至十一月十五日周林遠前往索討張有義一
時無錢懇其暫緩畱入家內取酒共飲周林遠飲醉仍向索錢張
有義嗔其無情出言指責兩相吵嚷周林遠上前欲毆張有義手
推周林遠出外關門相拒不期周林遠低頭撞進兩相迎湊撞傷
周林遠顛門右側倒地經籠延明往喚周林遠之弟周澤遠看視
架送張有義屋內詎周林遠因撞內損傷處浮腫漸消自頂心額

顱連及太陽右眼胞暈開紅色鼻流濃血延至十六日殞命屢審不諱將張有義擬絞附請留養等因具題前來應如所題張有義合依開毆殺人律擬絞監候秋後處決奉旨張有義從寬免死照例發落准留養親餘依議乾隆十四年四月邸抄

兩家互毆各斃一命必係各屍屬始免抵償駁案

刑部爲群棍行兇打死兄命事該臣等議得王世臣張三黑等兩家互毆致王四張四禿身死一案據奉天府府尹蘇疏稱王世

臣與張三黑同里而居並無仇恨緣乾隆十一年正月初四日小王大在街閒走撞遇張三瞻彼此戲謔致相爭毆有張三瞻之族兄三黑見欲助毆經王大張大等勸散小王大回家告知伊族叔王四王五王世璽等偕往理責張三瞻卽與爭詈張三瞻之兄四禿卽拳毆王四眼胞并棍擊顱門偏左小王大卽棍毆四禿頂心偏左及右肋張三瞻見兄被毆棍打王四左腿復抓傷莖物腎囊王世璽亦拳毆張四禿右太陽及胸膈王五棍傷張四禿右手復

拳毆右臂膊張三黑棍打王四額門倒地王世臣見王四倒地隨棍打張四禿左後肋并額門偏右亦卽暈倒張四禿于初五日身死王四亦于初六日身故歷供不諱查小王大棍傷張四禿頂心偏左王世輩毆傷太陽胸膈雖均屬致命但張四禿尚能肆兇行毆及至世臣棍擊額門偏右卽便倒地由此一傷致命無疑張四禿棍傷王四頂心偏左張三瞎抓傷葦物腎囊亦係致命俱屬輕傷惟張三黑棍傷頂心骨塌其爲頂心傷重致死無疑更查兩家互毆已各斃一命正屬相等且審非故殺而毆起一時正與兇抵定例相符王世臣張三黑俱各依兩家互毆各斃一命將應抵人犯免死減等發邊衛充軍小王大等擬杖等因其 題前來查例

載兩家互毆各斃一命將應擬抵人犯免死減等發邊衛充軍等語詳稽從前定例之由原因安徽撫臣陳 題蔣凡毆死盧秀扎死蔣恆一案因蔣凡擊倒盧國泰盧國泰之子盧秀見父被毆趨救適蔣凡之弟蔣恆亦欲打盧國泰盧秀隨鎗殺蔣恆身死盧國泰旋亦殞命蔣凡盧秀俱擬絞援引雍正十年前撫臣程 題林宜毆死戚仁所戚仁所之侄戚拴毆死林宜之父林益禮免死減軍成案請將蔣凡盧秀亦應援照寬減經臣部覆准并請嗣後兩家互毆各斃一命之案果與舊案相符者俱免死發邊衛充軍移咨律例館載入例冊等因具題奉 旨依議欽遵在案是定例之意謂兩家之父兒子侄孫護互毆至各有

毆斃之人則一命可抵一命若再將行兇之人擬抵被毆者既死于聞而毆人者又死手法是兩家竟死四人情殊堪憫是以量爲減等並非凡屬相隨助毆致死人命者槩行減免也今已死之王四與毆死張四禿之王世臣有無服制是否同居疏內並未聲明而毆死王四之張三黑住居萊陽已死之張四禿住居卽墨雖係同姓但據張三黑供稱與張四禿係出服兄弟等語既經出服則已非親屬該府尹將王世臣張三黑遽照兩家互毆各斃一命之例科斷未爲妥協事關二命得難率結應令該府尹詳細查明按律妥擬具題到日再議可也奉

旨依議乾隆十一年十二月邸抄

救父毆死傷父之人其父亦已身死比減等例再減一等案

刑部爲究償弟命事會看得蘇學由毆死張周遷及張周遷之子張翰公毆傷蘇學由身死一案先據陞任福撫周 將張翰公擬軍具題臣部以此案張周遷執持木槌築壩蘇學由執棍向阻打傷右眉張周遷以木槌還擊蘇學由右面盆骨蘇學由又棍毆張周遷左太陽倒地張翰公因父被毆趨救蘇學由舉棍向毆張翰公拾槌抵格致傷蘇學由顛門倒地殞命是張翰公之毆傷蘇學由寔因伊父張周遷先被蘇學由毆傷倒地情急趕救拾槌抵格致斃其爲救父而非助毆情形顯然况伊父被傷之後亦卽于次日身死較之尋常見父被毆情急救護者更屬情輕今該撫將張

翰公照開毆殺律擬絞並未將救父情由聲明殊屬未協再查例
內兩家各斃一命將擬抵人犯免死減等發邊衛充軍等語原指
兩家各斃一命各有擬抵之人而言今張翰公毆死蘇學由該撫
既將張翰公擬抵其蘇學由毆死張周遷更無擬抵之人且伊父
張周遷既被蘇學由毆傷死于非命又將救父之張翰公擬抵充
軍與例不符題駁去後今據福撫陳疏稱細核此案蘇學由先
與張翰公之父張周遷爭角互毆張翰公因見其父被毆倒地情
急徒手趨救原非助毆乃蘇學由卽舉棍向毆致張翰公拾槌抵
格中傷蘇學由顛門斃命寔爲救父情切起見且伊父被傷亦卽
下次日身死於之尋常見父被毆情急救護者其情更甚前擬照

兩家互毆各斃一命之例擬軍誠未允協但若照祖父母父母爲
人所殺子孫擅殺行兇人律擬杖亦屬不符律例並無正條將張
翰公照救父情切減等似流例再減一等擬以杖徒等因前來應
如所題張翰公應比照救父情切因而致死人者聲請減等杖流
例再減一等杖一百徒二年照例聲明恭候

諭旨遵行奉

旨依議乾隆十二年九月邸抄

計將鄭元德刺十一至其處外
備言鄭元德

國再疑一善林 官林 一軍無國憲也恭頌

收訊鄭元德公憲其無善父計其因而遂取人善惡語其善林

錄公無善父計其因而遂取人善惡語其善林

八祖姓毛無善林計其因而遂取人善惡語其善林

前案五週各錄一命之四其軍憲未及對其善無善父計其因而遂取人善惡語其善林

共毆致命傷輕以不致命重傷擬抵案

刑部為報明事會看得江山縣民鄭允吉毆傷鄭元德身死一案

據浙江巡撫方 疏稱鄭允吉與鄭元德同姓不宗素無嫌怨緣

鄭元德柴山坐落鄭允吉村後乾隆十三年正月初五日鄭元德

同姪鄭有富往山砍柴路過鄭允吉村前望見山上有入偷砍急

趨往視致鄭允吉家之犬追吠鄭元德趕打適鄭允吉携帶柴冲

欲赴已山砍柴見而理叱鄭元德並指鄭允吉往伊山偷柴鄭允

吉詈罵鄭元德用所携柴棍毆打鄭允吉肩甲鄭允吉以柴冲即

挑柴扁擔還毆鄭元德右膝鄭元德向扭鄭允吉用右手攔格被

鄭元德咬住手指鄭允吉丟棄柴冲左手抓仔鄭元德腎囊鄭允

吉之弟鄭老芝聞聲赴援見鄭元德咬住鄭允吉手指不放鄭老芝卽拾鄭允吉所棄柴冲毆傷鄭元德右腰眼鄭元德族人鄭招生路見帶護將所持木檻毆打鄭允吉之背鄭老芝見兒被毆隨棄柴冲奪過鄭招生木檻毆傷鄭招生頂心時鄭元德放咬鄭允吉拾起柴冲欲走鄭元德又拾棍毆打鄭允吉額角鄭允吉復以柴冲毆傷鄭元德左膝胛骨斷跌倒砌下磕傷左手背詎鄭元德廉服傷重流血不止至十三日殞命屢審供認不諱查律載共毆人傷皆致命如當時身死則以後下手重者當其重罪若當時未死而過後身死者亦究明何傷致死以傷重者坐罪又洗冤錄內開若致命之處傷或極重之傷而非致命之處當推有無別

情各等語又查乾隆五年前署福建巡撫簡親王德 題覆部駁霞浦縣民卓維成等毆傷陳允中身死一案緣陳德教先毆陳允中右耳輪陳允中將身一閃踏空跌倒磕傷額角雖屬致命原屬傷輕當卽爬起與卓維成拚命後卓維成毆其廉服骨斷倒地旋卽身死將卓維成仍擬絞候奉

旨依議欽遵在案此案鄭元德被鄭老芝毆傷致命腰眼尚能拾棍鬥毆並無負痛跌仆形狀後被鄭允吉毆傷廉服骨斷傷重流血不止以致斃命正與卓維成之案情事相同且腰眼係速死之處如果傷重不得過三日今鄭元德越九日身死是死于廉服骨斷之傷已無疑義將鄭允吉擬絞監候鄭老芝等擬以杖笞等因具

題前來據此應如該撫所題鄭允吉合依共毆人致死下手傷重者絞監候律應擬絞監候秋後處決等因乾隆十四年五月初二日題初八日奉

旨鄭允吉依擬應絞着監候秋後處決餘依議欽此

共毆致命傷輕應以不致命重傷擬抵駁案

刑部爲報明人命事會議得馬喜兒等毆傷馬銀子客身死一案

據甘撫鄂疏稱乾隆十一年十月間有狄道州生員吳鑑家被

竊羊隻因馬銀子客充過州捕其查訪馬銀子客卽以馬喜兒

馬三兒偷竊爲言十二年三月初間馬喜兒赴吳鑑當舖內典衣

吳鑑卽據馬銀子客所言追問馬喜兒歸告伊兒馬三兒馬三兒

嗔其誣指卽起意以三月十八日係辛家集期往尋馬銀子客質

對攜帶鐵繩并防家鐵尺又令馬喜兒攜帶鞭子出門見馬銀子

客在前卽行喊叫馬銀子客望見卽跑馬喜兒等趕至馬三兒卽

用鐵繩拴套馬銀子客脖項拉走馬銀子客不肯前行手抓馬三

兒肩膀馬三兒又用麻繩背紫馬銀子客兩大拇指馬喜兒用鞭
稍打傷馬銀子客脊背及左後肋等處馬銀子客嚷罵馬喜兒又
用鞭桿戳傷左大姆指縫拉行數里馬銀子客又不前行馬三兒
將馬銀子客拴于路傍小樹馬喜兒復行打問致傷馬銀子客左
肩甲右肱膊右肋及胸膛心坎右脇等處馬銀子客掙脫紫指細
繩馬三兒復又拉行至賈家河地方馬銀子客臥地不起馬三兒
用鐵尺打傷馬銀子客左右手腕又拾石打傷馬銀子客右大指
并右腳踝馬銀子客傷重殞命經州飭審研訊不諱馬喜兒擬絞
監候馬三兒擬流等因具 題前來查例載同謀共毆傷皆致命
當時身死則以後下手重者當其重罪過後身死當究明何傷致

死以重傷者坐罪等語此案馬銀子客被毆殞命之處馬喜兒先
毆馬銀子客各傷色止青紅查係皮鞭稍所毆况馬銀子客被毆
之後尚能行走二三里路及馬三兒用鐵尺毆其左右手腕均致
傷骨又用石毆其右腳踝并捋指骨折以致逾時殞命是三兒係
後下手傷重已屬顯著今將馬喜兒擬抵殊未允協事關生死由
入應令該撫確審妥擬具題到日再議可也奉

旨依議乾隆十六年七月邸抄

